



STINAPA TA INFORMA

BONEIRU ÒF ARIZONA?

Den zomer di aña pasá mi ruman hòmbèr ku su famia a bin keda seka nos pa pasa fakansi. Tabata nan promé bishita na Boneiru. Nan a gosa inmensamente di Boneiru, tantu riba tera komo bou di laman. Loke nan a remarká tabata ku Boneiru tabata hopi mas bèrdè ku nan a spera. Pasobra algun buki di biahe ta menshoná ku e vegetashon di Boneiru - ku su kadushi i matanan seku -parse e paisahe seku di estado Arizona na Merka. E ora ei bo ta pensa mas bien riba un paisahe di desierto. Pa kolmo mi ruman tabat'ei na yùli, kemen e no a ni wak Boneiru den temporada di áwaseru ora tur kos ta bèrdè bèrdè i Kibrahacha ta saka su flor hel briante. Pero dor ku último añanan basta awa a kai, Boneiru ta mustra basta bèrdè bèrdat. Danki Dios. Pero esei lo ta asina ainda ora e muchanan di awe lo tin sesenta aña? Probablemente nò. Dikon? Pasobra Boneiru ta parti di e "área tropikal seku", meskos ku Aruba i Kòrsou. Esaki kontrali na Islariba ku ta keda den "área tropikal muhá". Saba asta tin un selva tropikal neblino! E base di e paisahe di Boneiru ta e palunan grandi. Nan ta mashá importante. Nan ta perkurá por ehèmpel pa kombertí nitrógeno den oksígeno ku nos mester pa hala rosea. Pasobra tiki áwaseru ta kai akinan e palunan no tin un bida fásil. Palunan indígeno manera Wayaká, Watapana, Lokiloki i Palu di Boneiru a adaptá na e klima di Boneiru. Nan ta matanan puru krioyo. Nan mester di tiki awa pero nan ta krese masha pokopoko. I aunke e palunan di nos Boneiru por ta no ta esnan mas mahestuoso, nan ta indispensabel pa naturalesa. Si bo wak rònt bon, lo bo mira basta palu krioyo. E úniko kos ta ku tin hopi "bieu". I esei ta e problema grandi. Kasi no tin palu krioyo yòn. Pasobra tur e palunan yòn e ser komé dor di kabritu, buriku i porko. Si bo ta puntra bo mes si esei ta malu, e kontesta ta "Si!". Hopi malu, pasobra si un dia un palu krioyo muri i no tin remplasante p'e, e ora ei e isla di naturalesa Boneiru lo tin un paisahe bashí. I e lo bai haña paresido di e desierto di Arizona. I esei nos no ke bou di ningun sirkunstansha. *Skirbí pa Trix van Bennekom, tradusí pa Marcel Nahr.*

Pa mas informashon i reakshon: STINAPA, telefon 717 - 8444, info@stinapa.org

NOS TA BIBA DI NATURALES



Traha huntu na un desaroyo duradero pa Boneiru